

i. 人法總通分

《經》：觀自在菩薩。行深般若波羅蜜多時。照見五蘊皆空。度一切苦厄。

《秘》：第一、人法總通分有五，因·行·證·入·持¹是也。言觀自在能行人，即此人本覺菩提為因。深般若能所觀法，即是行。照空則能證智。度苦則所得果，果即入也。依彼教人智無量，依智差別時亦多。三生三劫六十百妄執差別是名時。頌曰

觀人修智慧 深照五衆空 歷劫修念者 離煩一心通

《開藏鈔》：此即初章也，謂人法總通有多意，一能修人，所觀法，廣亘²諸宗，總含通攝，故云人法總通。二對下諸乘唯明法，今此中人法俱存，故云總通也。……

因：「言觀自在能行人，即此人本覺菩提為因。」

《信力鈔》：此因行者所求本有菩提心為因，發心修行證果也。

《秘鍵鈔》：觀自在事約自宗心得者，此菩薩住普現三昧一切諸法，審諦觀察，不倒不謬，故云觀自在者矣。……約智門意得者，以十緣生句³觀，審諦觀察，事理諸法，是觀自在義也。……若約悲

¹ 多本注釋皆謂「時」。

² 音梗，延伸、連綿不斷的意思。

³ 乃陳述由緣所生十物之句。出自大日經卷一住心品。即：(一)幻，幻術師所作

門意，得住法界平等觀，隨所化生自在救度故名觀自在。……

此本覺菩提者，約自宗者，以一切眾生自心中金剛胎藏曼荼羅遠離因果，法然具義，本覺菩提可心得。若廣通顯密心得者，聲緣二乘及法相三論等意，強不談本有本覺，雖然以自宗意，彼發心修行皆有本覺熏力可意得。

《聞書》：本覺菩提者，眾生本具自性清淨心也。如常途教以眾生本心靈知不昧位為自性清淨心，故色相莊嚴法體不知之。今此教全以眾生心中八瓣肉壇為八葉九尊曼荼羅，是本覺佛性本有菩提也，即餘教超絕極談也。《觀音儀軌》云，一切有情身中具有此覺悟蓮華清淨法界。《理趣經釋》云，觀自在菩薩手持蓮華，觀一切有情身中如來藏性，自性清淨光明，一切感染所不能染。《蓮華三昧經》云，歸命本覺心法身，是以本覺菩提為蓮華臺證也，即觀音手時妙蓮不染一道清淨蓮華也，是名本覺菩提，又號真如妙理，故云此人即本覺菩提為因也。《教王經疏》第四云，觀自在者，此智印

之種種相貌。(二)陽焰，熱、空、塵等因緣和合，於曠野中現水相。(三)夢，睡眠中所見之種種境界。(四)影，鏡中之影像。(五)乾闥婆城，蜃氣映日光，於大海中現宮殿之相。(六)響，深山空谷等中，依聲而生之響音。(七)水月，映於水中之月影。(八)浮泡，水上所現之泡沫。(九)虛空華，依眼膜見空中種種花。(十)旋火輪，人持火炬旋轉於空中所生之輪像。此皆喻諸法從因緣而生，無自性。依此十句觀諸法無自性，則稱十緣生句觀、十緣生觀、十喻觀。即十種遮情之觀門。

內證金剛法清淨無染智，外觀一切眾生三業淨除五欲無碍自在，故云觀自在大菩薩。



行：「深般若能所觀法，即是行。」

《秘鍵鈔》：般若望能行人所觀法也，行者般若妙惠所觀所行故，若望所觀理，般若能觀智慧也，故一種般若隨望成能觀成所觀故，能所觀法有。……如觀照般若能觀惠也，如實相般若所觀理也，故般若言可通能所也。……依自宗意者，先約密義者行深般若波羅蜜多者，行般若菩薩內證三摩地，云行深般若。

證：「照空則能證智。」

《秘鍵鈔》：此以經照見五蘊皆空文為證菩提，故云能證智也。……

今依自宗意者，五蘊者身心異名也，仍覺色身實相常是毗盧遮那平等智身，照見五蘊皆空可心得也，空者非單空，而具一鵬相故名大空義。

入：「度苦則所得果，果即入也。」

《秘鍵鈔》：此配屬經度一切苦厄文於入涅槃果，意度煩惱生死苦海得涅槃安樂果也，則先般若波羅蜜得益也，是入涅槃義故即入也。……

持：「依彼教人智無量，依智差別時亦多。三生三劫六十百妄執差別是名時。」

《秘鍵鈔》：因行證入一具法門，故一處舉之，後舉修行時也。……若人法總通分通顯密者，所經時廣可通顯密，三世三劫等御釋分明也。若五分唯密義者，真言行者速疾頓作時。……一義云，三生花嚴，三劫法相三論，六十聲聞，百緣覺，妄執天台，差別真言也。……

《開藏鈔》：三生華嚴所立時分也，謂見聞、解行、證果海也。見聞《華嚴經》之位云見聞，次依見聞而發心修行之位云解行，後依

行成果之位云證果海也。今此三生或經多生，或一生中有之，故知三位名三生，非要死此生彼之生耳。三劫者，法相三論二宗所經三阿僧祇劫也，彼兩宗談經三劫成佛故。六十者，聲聞極遲所經，極速三生故，但不妨間斷種歷多勢矣。百者麟角所經部行經四生等故。但前三劫者約芥石劫，今六十等據水災劫。

《秘鍵鈔》：一義云，大師御意利智（聲聞）即三生，鈍根六十劫。……古一義云大師御釋必小乘性相不為本，以大乘意速疾證果為利根，久久成果位為鈍根也。百者緣覺也。四生百劫釋可准知聲聞。

妄執者，真言也。《大日經疏》云梵語劫跋 Kalpa，此時分妄執翻也。其中自宗意用妄執義。……付其妄執天台合意論者，彼宗見思塵砂無明三惑頓斷義立故，約彼宗所談攝在也。差別矣是差別言，廣可通上，付其妄執偏為天台，差別取真言一義意，劫跋梵語有時分、妄執、差別三義，取彼差別方為真言也。……其時分義者如三無數劫等也。言執著義者，經一劫成佛，經二劫成佛等是也，真言為遣彼執著意，一時一座即成佛等。言差別義者，以身業顯佛部曼荼羅，以口業顯蓮花部曼荼羅，以意業顯金剛部漫荼羅。依此意為取顯身口意三部漫荼羅差別德時。舉差別為真言所經時取義也。但

今差別言結上三生三劫六十百妄執不同言見。其故上依彼教人智無量，依智差別時亦多。」

頌：「觀人修智慧，深照五衆空，歷劫修念者，離煩一心通。」

《秘鍵鈔》：觀人觀自在，修智慧行深般若波羅蜜多也。……深言深般若深流至，照見句可心得歟。五衆者，新譯多分五蘊翻，舊多分五陰五衆等譯也。蘊蘊積義也，衆又聚集義也，故其義同之。……修念言此時修行時事顯。……歷劫言自宗心得者，斷妄執時可得意。離煩一心通，此度一切苦厄意也。經一切苦厄，仍約苦果，何今云煩乎？答：一義云果相麤顯故先說苦果，實依修般若可斷煩惱，故以義離煩惱。……今一心者，般若菩薩內證一心也，則心經心言也。序佛法非遙，心中即近矣。正宗終文，一心是本居矣。流通文無終無始我心分矣。是皆般若菩薩千粟心也。約所攝者，可通諸乘一心，如實知自心句。